

IOANNEO  
RITE INAUGVRANDO

S.

Iam surgit altum turris in aëra,  
Vicina moles nubibus arduis,  
Iam machinis exserta vastis  
Sole nitent radiante tecta.

Extendit alas frons patulas recens,  
Iam se recludit splendida porticus  
Praebetque Musarum recessus  
Innumeris gradibus petendos.

Nam dum tumultu concita Gallico  
Germana pubes cedere nescia,  
Ceu flamma per taedas vel Eurus,  
Celtica pervolitat per arva,

Raptasque terras reddere patriae  
Acres laborant militiae duces,  
Dum nos viri curae sagacis  
Expediunt per acuta belli: